

# Sukarelawan bantu bersih rumah mangsa banjir



Penuntut Unisza bergambar dengan penduduk Taman Desa Darul Iman ketika menjadi sukarelawan membantu mangsa banjir membersihkan rumah.

**TAMAN DESA DARUL IMAN** - Kesedihan mangsa banjir, di sini, sedikit terubat dengan kehadiran sukarelawan terdiri daripada penuntut Universiti Sultan Zainal Abidin (Unisza) yang membantu membersihkan dan mengemas kediaman mereka.

Seramai 90 sukarelawan itu membantu mengutip sampah, bekas dihanyutkan air dan turut membersihkan surau yang terjejas teruk dalam bencana di luar jangka itu.

Wakil penduduk di Taman Desa Darul Iman, Zulkifli

Jusoh berkata, pihaknya berterima kasih kepada sukarelawan yang membantu membersihkan rumah mereka.

“Kawasan perumahan di sini boleh dikatakan setiap tahun banjir, tapi kali ini ia benar-benar di luar jangka hingga ramai penduduk terpaksa tanggung kerugian.

“Selain barang rosak teruk, kami juga terpaksa ambil masa lama untuk bersihkan kediaman memandangkan lumpur memenuhi segenap ruang rumah,” katanya.

Zulkifli berkata, walau-

pun kebanyakan penduduk sudah membuat persediaan awal bagi menghadapi banjir, namun paras air yang mencecah hampir satu meter mengakibatkan barang yang diletakkan di tempat tinggi turut ditenggelami air.

JOM SOLAT	
KUALA NERUS	
SUBUH	5:40
SYURUK	7:02
ZOHOR	12:59
ASAR	4:21
MAGHRIB	6:53
ISYAK	8:08

SINAR HARIAN 3/12/2014